

Gvangjsih Minzcuz Bau

广西民族报 ganhhau: CN45-0036 B.2020 Nd.12 Ng.16 liggaeuq gengcej nienz ndwenit co' ngeih

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3453 geiz
Geiz neix 8 banj

Fuzlungz Yauzcuz Yangh Guh Hoz- dung Angqhoh Laebbaenz 30 Hopbi

Bonjbauq siusik (gicej Dangz Lungz) 12 nyied 12 hauh banhaet, aen daihhoih angqhoh Fuzlungz Yauzcuz Yangh laebbaenz 30 hopbi de youq ndaw yangh neix cunghsinh siujyoz hoengh banh. Boudonzcangj aendonz angqhoh Swcigih Minzcunghveij, boux fusuhgi Swcigih Minzcunghveij dangcuj, boux fucuj-yin Swcigih Minzcunghveij Lij Cinlinz gangjavah angqhoh. Doengh boux-lingjdauj daibyauidonz Hozciz Si, Yizcouh Gih camgya aen daihhoih angqhoh. Aen yangh neix boux-lingjdauj ndaw ban dangjveij, gyoengq daibyauij vunzlai caeuq gyoengq

hekndei camgya hozdung angqhoh.

Lij Cinlinz daibyauij Swcigih Minzcunghveij angqhoh aen yangh neix laebbaenz 30 bi caemhcai q guh-baenz haujlai hongsaeh. De naeuz, Fuzlungz Yauzcuz Yangh ndaej hwnghat gajjbienq haujlai, neix langhbaij gij minzcuz cwngcwz aendangj ndaejhingz hungmbwk. Maqmuengh vunzlai gak minzcuz Fuzlungz dingjmaenh yaengx hwnj mbaw geiz hungmbwk yiengh sevei cujyi miz daegsaek Cungguk, dingjmaenh aeu Siz Ginbingz gij swhsienq yiengh sevei cujyi miz daegsaek Cungguk seizdaih moq de vixyinx, gaenjdaet hopheux aen

moegbiu daeuz “Cunghvaz minzcuz ranz vunz ndeu, caezhoz caemh laeb loqsiengj Cungguk”, caiq ok rengz lai lai cauhaeb aen Gvangjsih gyaendei, doengzcaez saedyienh loqsiengj fuk-hwng.

Mwh guh hozdung angqhoh, aen daibyauidonz Hozciz Si, Yizcouh Gih soengq cienz camnai hawj aen yangh neix caemcai q daengz Fuzlungz Segih guh hozdung camnai. Boux yanghcangj aen yangh neix lwnh vunzlai 30 lai bi doxdaeuj aen yangh neix ginghci sevei hwnghat guh baenz gijmaz. Gyoengq-vunz camgya hozdung yawj vunz Yauzcuz ndaw yangh neix yienj

doengh gij cezmuz miz daegsaek lumj 《Saenzfeiz Angq》《Foux Diuzhanz》《Mbanjyauz Fuzlungz Mbouj Lumj Bingzciengz》《Foux Gaeuvaiz》daengj.

30 bi doxdaeuj, Fuzlungz Yauzcuz Yangh gajjbienq baenz mbwn fan dei h boek bae, gajjbienq nungzyez canjyiez gezgou baenzsaeh lailai, vunz raen diegyouq lai ndei youq raeuh, hongsaeh aenbiengz mwnhoengh hwnghat, lwgminz ndaejleih ngoenz beij ngoenz lai. Bi 2019, daengx yangh vunz youq lajmbanj suenq daeuj moix boux ndaej 12930 maenz haeuj daeh gag gaem gag yungh, bingzyaenz bi gyalai 9.5%.



Cungzcoj Si Ban Aenban Sonlien Boux Guh Cezmuz Vah Minzcuz

12 nyied 7 hauh daengz 9 hauh, aenban sonlien boux guh cezmuz vah minzcuz ndaw gvangjibo densi de youq Cungzcoj Siveij Dangjyau banh, aenban neix youz Cungzcoj Si Minzcunghveij, Cungzcoj Si Gvangjibo Densidaiz doxgap banh. Gungh miz 26 boux camgya sonlien. Gyoengqde dwg Cungzcoj Si Gvangjibo Densidaiz caeuq gak yienh (si) yungzmeizdij cunghsinh ndawde doengh boux guh cezmuz, boux bohyinh cujeiz, boux bienguh cezmuz vah minzcuz.

Aen ban neix hwnj dangz Sawcuengh giekdaej, bouxlauxsae hwnjdangz son bouxhag hag sing-meh caeuq yinhmeh Sawcuengh, caemhcai q lienh doeg Sawcuengh, hawj vunzlai rox doeg Vahcuengh biucinj.

Aenban neix hwnj dangz boux cujeiz baenzlawz gag gya ndei yienghsienq, boux cujeiz cezmuz Vahcuengh 12 bi nanz ndaw Gvangjsih Gvangjibo Densidaiz de Vangz Lili sijsaeq gangj baenzlawz fatyaem, doeg cihsaw Vahcuengh,

caiqlij cangyiengh, daenj ndang-daenj daengj; doengzseiz, doxdoi qnabj bingz gij cezmuz Vahcuengh youz bouxhag guh de, caemhcai q vixok wnggai baenzlawz gajjndei.

Cawzok gijneix mbouj suenq, aenban neix lij hwnj dangz son bouxhag baenzlawz ok sawcih ndaw cezmuz vahdoj Vahcuengh vanzlij dangz fanhoiz Vahcuengh daengj, hawj bouxhag rox baenzlawz fanhoiz gij saw ndaw cezmuz Vahcuengh, hawj cezmuz guh ndaej lai ndei.

(Lungz Yenyinh)

SIUSIK DINJ

● 12 nyied 10 hauh, Swcigih Dangjveij hai aenhoih densi denva guh hong vuenh gaiq senjgij “song vej” cunh (segi h) daengx gih. Baez vuenh gaiq senjgij neix nangqdaengz daengx gih 1.6 fanh aen hingz-cwngcunh (segi h) 、15.7 fanh cunh (segi h) ganbu、110 fanh cunh (segi h) dangjyenz、3600 lai fanh vunz ndawsingz lajmbanj, ciuq dajsuenq yaek youq bi 2021 aen geiqdoh daihit guhsat.

(Vei Hwngz)

● 12 nyied 11 hauh, Gvangjsih Ginzung Yisuzgvanj youq Namzningz guh ginzung vwnzva hozdung baenz-roix angqhoh laebbaenz 80 bi.

(Ciengj Linz)

● Bineix 1 daengz 11 nyied, Lingzsanh Yen yinxhaeuj 47 aen hanghmoeg ndaw guek rog guek, gijsoq ndaw habdoengz ciem ndei de miz 193.7 ik maenz, yinx ndaej cienzngaenz 120.5 ik maenz, beij bi' gvaq caemh seiz gyalai 3.8% , guhsat gij yinvu bineix haindu digh 120 ik maenz de 100.4%.

(Loz Gimeiz)

● 12 nyied 7 hauh, gicej cam Swcigih Caizcwngdingh ndaej rox, bi 2016 daengz bineix aen geiqdoh daihsam satbyai, daengx gih gyoepsuenq cwngfuj dajcawx 6000.65 ik maenz, beij “cibngeih haj” gyalai 2183.74 ik maenz, gyalai 57.21%; gyoepsuenq mbaetyungh 364.18 ik maenz cienzngaenz caizcwng.

(Cauh Hungzmeiz)